



---

Na osnovu člana 24. Statuta Općine Pale ("Službene novine Bosansko-podrinjskog kantona Goražde", broj: 19/07, 11/08 i 6/13), člana 5. Pravilnika o dodjeli stipendija ("Službene novine Bosansko-podrinjskog kantona Goražde", broj: 7/21) i Rješenja Općinskog vijeća Pale o imenovanju Komisije za dodjelu stipendija učenicima srednjih škola i redovnim studentima za školsku/akademsku 2021/2022. Komisija za dodjelu stipendija raspisuje:

# **KONKURS**

## **ZA DODJELU STIPENDIJA UČENICIMA SREDNJIH ŠKOLA I REDOVNIM STUDENTIMA ZA ŠKOLSKU/AKADEMSKU 2021/2022. GODINU**

### **I. OPĆI USLOVI**

Pravo na stipendiju mogu ostvariti:

- redovni studenti prvog i drugog ciklusa studija koji imaju prebivalište i boravište na području Općine Pale za koje finansijska sredstva osigurava Općina Pale,
- učenici srednjih škola koji imaju prebivalište i boravište na području Općine Pale za koje finansijska sredstva osigurava Općina Pale.

Mjesečni iznos stipendije za učenike srednjih škola je u iznosu od 100,00 KM, a za redovne studente prvog i drugog ciklusa u iznosu od 130,00 KM.

Stipendije se isplaćuju za jednu školsku godinu i isplaćivat će se 7 (sedam) mjeseci u kojima se nastava odvija u školskoj godini.

Dodjeljuje se 6 (šest) stipendija, i to 3 (tri) učenicima srednjih škola i 3 (tri) studentima prvo i/ili drugog ciklusa studija.

### **II. IZBOR KANDIDATA I KRITERIJI ZA BODOVANJE**

**Opći kriteriji za dodjelu stipendija:**

- 1) da je kandidat državljanin Bosne i Hercegovine,
- 2) da ima prebivalište na teritoriji Općine Pale u FBiH,
- 3) da je redovan učenik srednje škole,
- 4) da je redovan student na jednoj od javnih visokoškolskih ustanova u Bosni i Hercegovini,
- 5) da nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica,
- 6) da na dan objavljivanja javnog Konkursa nije stariji od 19 odnosno 25 godina života.

**Posebni kriteriji za dodjelu stipendija:**

- 1) postignuti rezultati u učenju i vladanju,
  - 2) redovni studenti prvog i drugog ciklusa studija koji imaju prebivalište i boravište na području Općine Pale za koje finansijska sredstva osigurava Općina Pale,
-

- 3) učenici srednjih škola koji imaju prebivalište i boravište na području Općine Pale za koje finansijska sredstva osigurava Općina Pale,
- 4) učenici prvog razreda srednjih škola koji imaju prebivalište i boravište na području Općine Pale za koje finansijska sredstva osigurava Općina Pale, s najmanjom prosječnom ocjenom iz prethodno završnog razreda osnovne škole 4,00;
- 5) redovni studenti prve godine studija prvog ciklusa studija koji imaju prebivalište i boravište na području Općine Pale za koje finansijska sredstva osigurava Općina Pale, s najmanjom prosječnom ocjenom iz prethodno završenog razreda srednje škole 4,00;
- 6) redovni studenti prve godine drugog ciklusa studija koji imaju prebivalište i boravište na području Općine Pale za koje finansijska sredstva osigurava Općina Pale, s najmanjom prosječnom ocjenom iz prethodno završene akademske godine 6,5.

**Pravo na stipendiju ne mogu ostvariti:**

- 1) studenti koji imaju status apsolventa,
- 2) studenti u radnom odnosu,
- 3) studenti koji su zasnovali bračnu zajednicu, a koji apliciraju za stipendije iz sredstava Općine Pale,
- 4) učenici koji se vanredno školuju i obrazuju u srednjim školama.
- 5) učenici srednjih škola i redovni studenti prvog i drugog ciklusa studija čiji brat/sestra su korisnik stipendije iz sredstava Općine Pale.

**Kandidati za dodjelu stipendija uz zahtjev prilažu sljedeću dokumentaciju:**

- 1) uvjerenje o državljanstvu,
  - 2) uvjerenje o stalnom mjestu prebivališta, izdato nakon objavljivanja Konkursa,
  - 3) pismenu izjavu da kandidat nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica u tekućoj školskoj/akademskej godini, ukoliko ostvari pravo na stipendiju Općine Pale,
  - 4) pismenu izjavu kojom se daje saglasnost Općini Pale za objavu ličnih podataka prilikom objave rang liste, odnosno rezultata Konkursa i dr. na web stranici Općine Pale i drugim sredstvima javnog informiranja,
  - 5) uvjerenje o položenim ispitima iz prethodne školske/akademske godine s izračunatim prosjekom ocjena,
  - 6) studenti prve godine studija prilažu ovjerenu fotokopiju svjedodžbe završnog razreda srednje škole,
  - 7) studenti prve godine studija prilažu odgovarajući dokaz ukoliko su dobitnici priznanja Učenik ili Ponos generacije,
  - 8) dokaz za osvojeno prvo, drugo ili treće mjesto na kantonalnom, regionalnom, entitetskom, državnom ili međunarodnom takmičenju iz predmeta u prethodnoj školskoj/akademskej godini,
  - 9) kućnu listu,
  - 10) dokaze o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene isključivo platna lista za posljednji mjesec, iz koje se vide stvarna primanja, za penzionere ček od penzije za posljednji mjesec, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom,
-

- 11) dokaze da punoljetni članovi porodičnog domaćinstva (izuzev onih koji imaju status redovnog učenika ili studenta) imaju ili nemaju samostalnu privrednu djelatnost (uvjerenje Porezne uprave ili drugog nadležnog organa na osnovu kojeg se vidi da li se vode ili ne vode u registru poreznih obveznika kao poduzetnici, odnosno da li su ili nisu prijavljeni u jedinstveni sistem za registraciju, kontrolu i naplatu doprinosa kao obaveznici po bilo kom osnovu s iskazanim mjesečnim odnosno godišnjim prihodima),
- 12) dokaze za roditelje: dijete šehida, bez jednog ili oba roditelja (izvod iz matične knjige umrlih), dokaz o učešću u obrambeno-oslobodilačkom ratu tokom oružane agresije na RBiH (najmanje 24 mjeseca), dokaz o invaliditetu roditelja,
- 13) dokaz o ličnom invaliditetu kandidata za dodjelu stipendije,
- 14) izjavu (samo za punoljetne kandidate) da nije zasnovao/la bračnu zajednicu ukoliko aplicira na stipendiju za koje finansijska sredstva obezbjeđuje Općina Pale.

Dokumentaciju iz **alineje 1, 2, 3, 4, 5 i 6 je obavezna**, dok je dokumentacija iz **alineje 7, 8, 9, 10, 11, 12 i 13 neobavezna** ali utiče na rezultate bodovanja.

Dokazi o ispunjavanju navedenih uslova moraju biti originalni ili ovjerene fotokopije koje nisu starije od šest (6) mjeseci.

### III. BODOVANJE KANDIDATA

Osnovni kriterij bodovanja kandidata za dodjelu stipendije je sljedeći:

bodovi po osnovu ostvarene prosječne ocjene u prethodnoj školskoj godini	5-20 bodova			
prosječna ocjena	do 4	4-4,25	4,25-4,75	preko 4,75
broj bodova	5	10	15	20
bodovi po osnovu ostvarene prosječne ocjene u prethodnoj akademskoj godini	5-20 bodova			
prosječna ocjena	6-6,50	6,50-7,50	7,50-8,50	8,50-10,00
broj bodova	5	10	15	20
bodovi po osnovu ostvarenih rezultata na takmičenjima	5-20 bodova			
rezultat	učešće	3.mjesto	2.mjesto	1.mjesto
broj bodova	5	10	15	20
bodovi po osnovu prosječnih primanja po članu domaćinstva	5-20 bodova			
broj nezaposlenih	4 i više	3	2	1
broj bodova	20	15	10	5

Dodatni kriterij bodovanja kandidata za dodjelu stipendije je sljedeći:

Kandidati po priloženoj neobaveznoj dokumentaciji iz člana 13 i člana 15 ovog Pravilnika o dodjeli stipendija ostvaruju:	5-20 bodova
studenti prve godine studija koji prilažu odgovarajući dokaz ukoliko su dobitnici priznanja Učenik ili Ponos generacije	10

<b>kućnu listu</b>	5			
<b>dokaze o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta)</b>	do 600,00 KM	do 900,00 KM	do 1500,00 KM	preko 1500,00 KM
	20	15	10	5
<b>dokaze da punoljetni članovi porodičnog domaćinstva (izuzev onih koji imaju status redovnog učenika ili studenta) imaju ili nemaju samostalnu privrednu djelatnost</b>	Posjeduju privrednu djelatnost		Ne posjeduju privrednu djelatnost	
	5		10	
<b>dokaze za roditelje: dijete šehida, bez jednog ili oba roditelja i RVI-a</b>	dijete bez oba roditelja	dijete šehida	dijete bez jednog roditelja	dijete RVI-a
	20	15	10	5
<b>dokaz o ličnom invaliditetu kandidata za dodjelu stipendije,</b>	kandidati sa invaliditetom ostvaruju dodatnih 20 bodova, pored prethodno navedenih kriterija			

U slučaju da dva ili više prijavljenih kandidata imaju isti broj bodova, prednost imaju:

- 1) kandidati iz porodica šehida, RVI i boraca,
- 2) kandidati sa većom prosječnom ocjenom,
- 3) kandidati na višim godinama studija.

#### IV. PODNOŠENJE PRIJAVE

Prijavu, odnosno zahtjev koji je sastavni dio ovog konkursa zajedno sa traženom dokumentacijom i prijavnim obrascem, lično ili putem pošte, dostaviti na adresu Općine Pale sa naznakom na koverti kako slijedi:

<p><b>Općina Pale</b>  <b>Komisija za dodjelu stipendija</b>  <b>Himze sablje br. 33, 73290 Prača</b>  <b>Prijava na konkurs za dodjelu stipendija učenicima srednjih škola i redovnim studentima za školsku/akademsku 2021/2022. godinu</b></p>
--

**Konkurs ostaje otvoren 30 dana od dana objavljivanja u sredstvima javnog informisanja, a bit će objavljen na oglasnoj ploči Općine, web stranici Općine, web i Facebook stranici Radio Prače i na oglasnim pločama mjesnih zajednica Prača i Hrenovica.**

**Komisija je dužna razmotriti prijave u roku od 7 dana od dana zatvaranja Konkursa za dodjelu stipendija i u narednih 7 dana objaviti rezultati konkursa sa brojem ostvarenih bodova, odnosno rang listu kandidata u prethodno navedenim sredstvima informisanja. Žalbeni rok će biti otvoren 15 dana od dana objavljivanja rang liste, odnosno rezultata konkursa. Neblagovremene i nepotpune prijave neće se uzimati u razmatranje.**

**Molimo kandidate da ne predaju originalna svjedočanstva srednje škole, diplome, priznanja i ostale bitne dokumente, već ovjerene fotokopije istih jer se isti neće vraćati kandidatima.**

**Prijavni obrazac i izjave možete preuzeti na web stranici Općine ili na portirnici Općine.**

**Ukoliko ne bude dovoljno prijavljenih studenata na konkursu za dodjelu stipendija redovnim studentima prvog i drugog ciklusa studija, stipendije će biti dodijeljene učenicima srednjih škola na način da će sljedeći sa rang liste ostvariti pravo na stipendiju.**